

ԱՐՏԱԴՐԱԿԱՆ ՎՏԱՆԳԱՎՈՐ ՕՐՅԵԿՏՆԵՐԻ ՓՈՐՁԱՔՆՆՈՒԹՅԱՆ ՊԱՅՄԱՆԱԳԻՐ
N ՀՀ ՔԿ ՄԱԾՁԲ-ՓԾ-24/2 N 2 157

ք. Երևան

« 16 » օգոստոս 2024 թ.

ՀՀ քննչական կոմիտեն ի դեմս գլխավոր քարտուղար Կ. Մարգարյանի (այսուհետ՝ Պատվիրատու), որը գործում է կոմիտեի կանոնադրության հիման վրա, մի կողմից, և Ներքին գործերի նախարարության «Տեխնիկական անվտանգության ազգային կենտրոն» ՊՈԱԿ-ը, ի դեմս տնօրեն Վ. Գևորգյանի (այսուհետ՝ Կատարող), որը գործում է ՀՀ օրենսդրության և կազմակերպության կանոնադրության հիման վրա, մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1 Սույն Պայմանագրով Կատարողը պարտավորվում է փորձաքննություն (այսուհետ՝ Ծառայություն) իրականացնել և տալ փորձագիտական եզրակացություն սույն ենթակետի աղյուսակին համապատասխան, իսկ Պատվիրատուն պարտավորվում է վճարել այդ Ծառայության համար:

	օբյեկտի անվանումը	օբյեկտի գտնվելու վայրը	փորձ. տեսակը	ԱՎՕ-ի N	տվյալներ	քանակը	արժեքը /ընդամենը/	ՀՀ դրամ փորձագետ
1.	Կաթսայատուն	ք. Երևան Մամիկոնյանց 48	նախագիծ			1	50 000	Վ.Նուրոյան
2.	Վերելակ	ք. Երևան Մամիկոնյանց 48	նախագիծ			1	50 000	Ա.Օրդյան
	ընդամենը						100 000	

2. Կողմերի իրավունքները և պարտականությունները

2.1. Կատարողը պարտավոր է՝

2.1.1. Ծառայությունը մատուցել սույն պայմանագրի 1-ին կետի աղյուսակում նշված փորձագետի (փորձագետների) միջոցով՝ սույն պայմանագրի 3-րդ կետով սահմանված գումարը Կատարողի հաշվարկային հաշվին մուտքագրվելուց հետո՝ 5 աշխատանքային օրվա ընթացքում:

2.1.2. Ծառայության մատուցման ավարտից հետո եզրակացության մեկ օրինակը հանձնել Պատվիրատուին:

2.2. Կատարողն իրավունք ունի՝

2.2.1. Ծառայության պատշաճ մատուցման նպատակով Պատվիրատուից պահանջել փաստաթղթեր, փորձաքննության համար անհրաժեշտ այլ տվյալներ և միջոցներ:

2.2.2. Սույն պայմանագրով սահմանված ժամկետի ընթացքում Պատվիրատուի հետ նախօրոք համաձայնեցված ժամանակ անարգել մուտք գործել փորձաքննության իրականացման տարածք, տարածքում տեղակայված շենքեր, շինություններ և այլ օբյեկտներ:

2.2.3. Պատվիրատուին տրամադրել միջոցառումների ծրագիր, որի կատարումը չի կարող գերազանցել երեք ամիսը:

2.3. Պատվիրատուն պարտավոր է՝

2.3.1. Ծառայության մատուցման համար Կատարողին վճարել սույն պայմանագրի 3-րդ կետում նշված ծառայության գումարը:

2.3.2. Ծառայության մատուցման ընթացքում Կատարողին (սույն պայմանագրի 1-ին կետի աղյուսակով նախատեսված փորձագետին) տրամադրել Ծառայության պատշաճ մատուցման համար անհրաժեշտ և պահանջվող փաստաթղթերը, այդ թվում անհրաժեշտ այլ տվյալներ և միջոցներ:

2.3.3. Ծառայության մատուցման ընթացքում փորձաքննությունն իրականացնող փորձագետին (փորձագետներին) ապահովել անհատական պաշտպանության միջոցներով և Ծառայության մատուցման համար անհրաժեշտ տեխնիկական միջոցներով,

2.3.4. Ծառայության մատուցման ընթացքում Կատարողի կամ սույն պայմանագրով նախատեսված փորձագետի հետ նախօրոք համաձայնեցված ժամանակ Փորձագետին թույլատրել անարգել մուտք գործել փորձաքննության իրականացման համար անհրաժեշտ տարածք, տարածքում տեղակայված շենքեր, շինություններ, այլ օբյեկտներ:

2.4. Պատվիրատուն իրավունք ունի՝

2.4.1. Ծառայության մատուցման ընթացքում Ծառայության մատուցմանը մասնակից դարձնել «Տեխնիկական անվտանգության ապահովման պետական կարգավորման մասին» ՀՀ օրենքի 19-րդ հոդվածի առաջին մասի «բ»

կետով նախատեսված տեխնիկական անվտանգության ծառայությանը՝ վերջիններիս ապահովելով անհատական պաշտպանության միջոցներով:

2.4.2. Փորձագետից պահանջել իրեն տրամադրել փորձագիտական եզրակացության օրինակը:

3. Պայմանագրի գինը և վճարման կարգը

3.1. Սույն Պայմանագրի գինը կազմում է՝ **100 000 (մեկ հարյուր հազար) ՀՀ դրամ**, այդ թվում Ծառայության մատուցման արժեքը՝ 83 333 (ութսուներեք հազար երեք հարյուր երեսուներեք) ՀՀ դրամ, ԱԱՀ-ն՝ 16.667 (տասնվեց հազար վեց հարյուր վաթսուևյոթ) ՀՀ դրամ:

*Եթե Կատարողին ներկայացվում են Պատվիրատուին ԱԱՀ-ից ազատված լինելու վերաբերյալ օրենսդրությամբ նախատեսված փաստաթղթեր, ապա ԱԱՀ-ի գումարը ենթակա չէ վճարման:

3.2. Պատվիրատուի կողմից սույն Պայմանագրի 3.1. կետով սահմանված գումարը վճարվում է Կատարողի հաշվարկային հաշվին փոխանցում կատարելու միջոցով:

4. Կողմերի պատասխանատվությունը

4.1. Պատվիրատուի կողմից սույն պայմանագրի 3-րդ կետով սահմանված գումարը սույն պայմանագիրը կնքելուց հետո երեք ամսվա ընթացքում չվճարելու դեպքում պայմանագիրը համարվում է լուծված, իսկ Պատվիրատուի գործողությունները համարվում են պայմանագրային պարտավորություններից հրաժարում:

4.2. Սույն Պայմանագրի յուրաքանչյուր կողմ իրավունք ունի պայմանագրով սահմանված իր պարտավորությունները կատարելուց հրաժարվող մյուս կողմից պահանջելու վճարել սույն պայմանագրի 3-րդ կետով սահմանված գնի 30 տոկոսը:

4.3. Կատարողի կողմից Ծառայությունը չմատուցելը չի կարող համարվել պայմանագրային պարտավորություններից հրաժարում, եթե դա պայմանավորված է Պատվիրատուի կողմից սույն պայմանագրի 2.3-րդ կետով նախատեսված պարտականությունները չկատարելով կամ ոչ պատշաճ կատարելով:

5. Վեճերի լուծման կարգը

Սույն Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

6. Եզրափակիչ դրույթներ

6.1. Սույն Պայմանագրում ցանկացած փոփոխություն և լրացում կատարվում է կողմերի միջև կնքված համաձայնագրի միջոցով:

6.2. Սույն Պայմանագիրը կնքված է մեկ տարի ժամկետով՝ երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

7. Կողմերի հասցեները, բանկային վավերապայմանները և ստորագրությունները


ՊԱՏՎԻՐԱՏՈՒ

ՀՀ քննչական կոմիտե
ՀՀ, ք. Երևան, Մամիկոնյանց 46/5
ՀՀ ՖՆ աշխատակազմի
գործառնական վարչություն,
Հ/Հ 900011000834
ՀՎՀՀ 02631263
Գլխավոր քարտուղար

ԿԱՏԱՐՈՂ

«ՆԳՆ «Տեխնիկական անվտանգության
ազգային կենտրոն» ՊՈԱԿ
ք. Երևան, Դավիթաշեն 4, Ա. Միկոյան 109/8
«ՖՆ գործառնական վարչություն
Հ/Հ 900018003724
ՀՎՀՀ 01556354
էլ. հասցեն՝ texnikakananvtangutyun@gmail.com
հեռ. 012317908



Տնօրեն

Վ. Գևորգյան
(ստորագրություն)
Վ.Տ